



Lokað vegna sumarleyfa

Skrifstofa Þingeyjarsveitar verður lokað vikuna eftir verslunarmannahelgi, dagana 5. til 9. ágúst n.k. vegna sumarleyfa starfsfólks.

Hægt verður að hafa samband í síma: 862 0025 (Dagbjört) og 868 3853 (Kristján) ef nauðsyn krefur.

Starfsfólk skrifstofu Þingeyjarsveitar



Dagskráin um verslunarmannahelgina í Kiðagili í Bárðardal Fimmtudagskvöldið 1. ágúst klukkan 20:00

Um síðasta sumar hélt Karl Pálsson frá Víðikeri tónleika í Kiðagili við góðar undirtektir. Nú snýr Kalli aftur til leiks og sýnir enn og aftur sínar spaugilegu, dramatísku en ávallt hressu hliðar. Dagskráin verður blanda af lögum sem hljómuðu í fyrra auk efnis sem áður hefur ekki heyrst.

Laugardagskvöldið 3. ágúst klukkan 20:30
Hljómsveitin Hundur í óskilum heldur tónleika þar sem þeir spila spaugilegar útsetningar á fjölda hljóðfæra. Alveg sprenglægileg skemmtun.

Sunnudagurinn 4. ágúst klukkan 14:00-17:00
Þjóðlegt kaffihlaðborð þar sem starfsfólk klæðist þjóðbúningum og gestir gæða sér á lummum, flatbrauði, pönnukökum og ýmsu fleiru þjóðlegu bakkelsi. Jónas Sigurðarson og Snorri Guðvarðar láta ljúfa tóna svífa um salinn fyrir kaffigesti.

Myndlistarsýningu Eyþórs Péturssonar lýkur eftir verslunarmannahelgi.

Fornir fimmtudagar – Fremri Fjöll í Kelduhverfi

Fimmtudagskvöldið 1. ágúst klukkan 20:00 taka fræðimennirnir Árni Einarsson og Stefán Ólafsson á móti gestum og fræða um fornar minjar á Fremri Fjöllum. Tóftasvæðið er staðsett um 3,5 km sunnan við bæinn Fjöll í Kelduhverfi.

Nánari upplýsingar er að finna á vef Hins þingeyska fornleifafélags, www.fornleifafelag.is

Hið þingeyska fornleifafélag.

Frá bókasafninu í Stórutjarnaskóla.

**Bókasafnið verður opnað eftir sumarlokun fimmtudaginn 1. ágúst og opnunartímar verða sem hér segir:
á þriðjudögum frá kl. 14:30 – 16:30 og
á fimmtudögum frá kl. 19:30 – 21:30.**

Sjáumst hress.

Bókavörður.

17.08.2013 - Þingeysk þríþraut og fjallahjólakeppni á Laugum í Reykjadal

Ólympísk þríþraut verður haldin að Laugum í Reykjadal 17. ágúst og hefst kl 10.00

Keppnisgreinar eru: Ólympísk þríþraut; sund 1500m, hjól 40km, hlaup 10 km

Hálf ólympísk þríþraut; sund 750m, hjól 20km, hlaup 5km

Einnig er hægt að taka þátt einstökum greinum innan þríþrautar.

Keppnin mun fylgja [móta-og keppendareglum Þríþrautarnefndar Íslands](#). Hins vegar áskilur keppnisstjórn sér þann rétt að gera hlé eftir sunðið, ef keppnin verður mjög fjölmenn. Ef hlé verður eftir sunðið verður ræst af stað á hjólin eftir sundtímum.

Einnig verður haldin 32 km Fjallahjólakeppni sem hefst kl. 10:00.

Gjald; 5000 kr fyrir heila og hálf þraut og fjallahjólakeppni en 2000 kr fyrir einstakar greinar innan þríþrautar.

Skráning mun fara fram á [hlaup.is](#) og lýkur skráningu miðvikudagskvöld 14. ágúst. Allir keppendur þurfa að vera mættir í sundlaugina á Laugum 30 mín fyrir start. Keppnisgögn verða afhent milli kl. 9:00 og 9:30.

Upplýsingar: nnikarr@laugar.is og baldur@ub.is



SAMHERJI HF

30.tbl.
1.ágúst
2013
20. ág.

Hlaupastelpan

hlaupastelpan@isl.is,s:4643366/gsm:8953386



Sumartónleikar við Mývatn 2013.

LOKAHELGI.

3. ágúst laugardagur - Reykjahlíðarkirkja, kl. 21.00

4. ágúst sunnudagur - Skútustaðakirkja, kl. 21.00

FUNI - Bára Grímsdóttir söngur og kantele Chris Foster söngur, langspil og gítar.

Sunnudaginn 4. ágúst: Kirkjan í Dimmuborgum, helgistund kl. 14.00 í umsjá sóknarprests.

Tónlist flytja Bára Grímsdóttir og Chris Foster. Kirkjugestir syngja almennan söng.

Upplagt er að hafa með sér kirkjukaffið og setjast saman í græna lautu að lokinni helgistund.

FUNI er tvíeykið Bára Grímsdóttir og Chris Foster, sem hófu samstarf árið 2001. Síðan hafa þau keppt við að blása lífi í íslenska þjóðlagatónlist sem hefur leynst í gömlum upptökum og lítt þekktum bókum og handritum, auk þess sem þau hafa bætt við nýjum lögum í þjóðlegum stíl. Þau flytja kvæðalög, tvisöngslög, sálma og enskar ballöður, útsetja allt sjálf og hafa haldið námskeið og komið fram á ýmsum hátíðum og tónleikum, einnig í útvarpi, hér heima og víða í Evrópu, Norður-Ameríku og Kína.

Verið hjartanlega velkomin til að hlýða á þetta frábæra tónlistarfólk sem gerir gamlar gersemar nýjar. Aðgangur ókeypis.

